

9 Ji ony nikwayeraseh thao-nenneh, shekonh are nonwa ne sakiron, Doka ne ronkweh enghjhisewaderighwaghnodonse thakadeke oya norighwadokenghdy ne isekeh oya ne ne ise ji-niyught ne sewaye-nah, wahhonwadowendeghde norighwadokenghdikeh.

10 Ikenh eh genh niwagyeren nonwa eghniyekhe-nikonghrehhaghs nonkwehhokon, aden Niyoh? aden ne ok Kesax ne ok ne onkwehhokon ayako-nikonghriyu? ikenh ne dokat ne ok shekonh Aakhe-nikonghrayeridon ne onkwehhokon, yaghden ki naah ne Dehhake-nhase ne Keristus.

11 Nok orighwiyu Wakwaghroty nise, dewadandekenhokon, neeh ne orighwadokenghdy ne ji-nahhoden kwaderighwaghnodonse ne iih yaghden naah onkweh deyonkerighwawyh.

12 Ikenh yahhony onkweghnch dewakye-nah, yahhony ne Deyonkerighwaweyenstenny, ne ok ne raorighwadokenghdikowaghneh ne Yesus Keristus.

13 Ikenh sewathonde ji-nondakewennodenhhatye ji-nahhe ne ne *Jews*-aka rao-natdakwarighsyonghsera, oghnanen ne sojy wahhy yakhondonkoghdde Akerighwayesaghden ne rao-nonghsadoker.ghdy ne Niyoh, neony akatyesaghde;

14 Neony wagadonhradakhwen ne *Jews*-aka raodirighwiyughstaghk senhha eso shadeyawenhonhhatye nakwah iih ji-nonkonghwenjoden, senhha eso yeyudohhetstonh yodarihhen ne ji-nityughdonne norighwakayonghshon nityawenhonh ne khe-nihhokonkenhha.

15 Nok ne o-nenh shahhaweryendiyu ne Niyoh raonhna wahhy degshonke-nikhaghsyonh nistenhah jiwakenna-keradonh, neony eghrakyadare rao-nidenreghtserakeh,

16 Ne ne rake-nadonnyh ne Royenhah niightserakonh, ne ne doka aakkweny ne akheyaderighwaghnodonse ne ken-yughkwakonh ne arekho dehhodirighwiyughstonh; yukondatye Wakaderighwaghnodon yaghdekenh owaronh ony o-nekwenghsa:

17 Yaghden ony Eghdewake-nonghdonh *Jerusalem* jithadideron ne ne tho-natyerenghdonh rodiyadadokenghdy ji-ni-niyught; nok Kenniyewake-nonh ji-nopka ne *Arabia*, nokhare dedewakaghdentyonh eghyewakonh *Damascus*.

18 Ethone oghnaken aghsenh niyughserakeh nenken Sewake-nonghdonh *Jerusalem* ne naiken ne Kwiter, neony enskatneh waakyatyen overy wisk yawenre nonda.